



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorvm, 1607

S. Moses Aethiops.

urn:nbn:de:hbz:466:1-43013

pandisset, Christi effigiem ad amissim expressam, & figuram figuræ exactissimè respondentem vidit: quod tamen aliorum oculos idem inspectantes fugit. Consule Baronium Annali x. anno 944.

Qui plura de Christi sudario, multipliciq; sindone Dei nutu formâ Christi corporis signatâ desiderat, inspiciat stigmata Christi apud Alphonsum Palæotum Archiepif. Bononiensem Danielis Mallonij cõmentarijs illustrata c. 1. 2. 3. & passim alijs.

28. Augu.

S. MOSES ÆTHIOPS.

BEatus hic Moses natione Aethiops toto corpore probè ater, cuidam cui servitutem serviebat, quem herus propter improbitatem & latrocinia domo eiecit. Hic pastori cuidam, à quo in re quapiam impeditus fuerat, ob facti memoriam infestus erat, consiliumque eius occidendi cœperat. quem cum trans Nilum esse explorasset, quamvis inundante Nilo, gladio tamen dentibus mordicus prensio, vestibisque capiti impositis, tranavit. quod ubi opilio sensit, illico profugit. Moses arietes quatuor præstantes maçtauit, catenaque nexos secum remulco per Nilum remeando traxit, carnesque absumsit, & vellera cû vino permutavit, atque ad collegas suos est reuersus. Quæ eo fine recensui, vt ostenderem

rem spem salutis nulli pœnitenti esse præclusam. Hic sero tandem, casu quodam, in quem inciderat, impulsus dolore scelerum tactus cœnobium petiit. sociosque latrociniorum secum ad idem vitæ institutū pertraxit.

Hunc sessitantem quondam in cellula sua, latrunculi, qui eum Mosem ignorabāt, inuaserunt quos ille B. funibus reuinctos, veluti palearum saccum, humeris impositos in templum ad conuentum attulit patrum, &, quoniam, inquit, mihi fas non est quemquam iniuriā lædere, quid de his decernitis, qui me oppressum venerunt? Hic cum latrones eum Mosem famigeratum & indomitum illum principem latrocinantium intellexissent, & ipsi sua scelera per exomologesin detestati, relictis humanis rebus laudatissimi cœnobitæ sunt facti. Moses ergo vita ad Dei nutum instituta, demoneq; intemperantiæ deuicta, cum annum ageret quintum & septuagesimum, sacris quoq; sacerdotij mysterijs initiatus, septuaginta relictis discipulis decessit.

ANNOTATIONES.

Huius acta Sozomenus narrat lib. 6. c. 29. Alterius postea Moysis idem Sozomenus lib. 6. c.

S 5

38. me-

38. meminit, quem Saracenorum ait factum Episcopum, qui multos ad Christum à Saracenis traduxit. Sed hic non ad hunc locum. Alter ille prior Aethiops hic laudatur, quem Nicephorus lib. II. c. 36. & auctor in Vitis Patrum celebrant. Menologium eodem die cum Fastis Romanis hunc coli in Christiano orbe docet. Palladius geminos quoque prædicat Moyses, Libycum alterum, c. 88. & hunc olim latrocinia exercentem c. 22. qui & Abbas & presbyter fuit. Latrones porro præter illum qui Christo ad dextram pependit non paucos venisse ad summam vitæ sanctimoniam acta patrum in Mutio & Pasnucio, Dauide latronum principe & Cyriaco ostendunt. In Actis S. Ioannis Euangelistæ leges iuuenem Episcopo commissum in latronem euasisse, & à S. Ioanne reuocatum: Apud Clymacum gradu 4. pœnitens latro miris modis commendatur. Lege & Io. Moschum c. 143, 165. 166. Menæa celebrant septem latrones Martyres 29. Aprilis: Et Cæsarius lib. 7. c. 59. alium S. Franciscus tres ad pœnitentiam adduxit. Mitto qui in speculo exempl. dist. 7. c. 23. narrantur.

DE ZONA SANCTISSIMÆ DEI MATRIS.

ARcadius Theodosij Magni filius venerandam sanctissimæ Dei matris Zonam Hierosolymis, quæ ad eum vsque diem ibi cum preciosa veste à fœmina quadam virgine seruata erat, Constantinopolim delatam in splendido scrinio, quod sanctam appellat.